

S252

3644

外科證治

四



外科證治全書卷四

環峯許克昌倫聲

木末畢法蒼霖

同輯

山陰沈宣昭問庭校字

發無定處症

疔瘡

楊梅瘡

結毒

遺毒

癘風

石疽

流注

痼發

惡核

瘦瘤

疣

瘡疽

癰疽

痘毒

痘風瘡

痘癩

丹瘤

赤火瘡

天皰瘡

貓眼瘡

魚脊瘡

漆瘡

凍瘡

血風瘡



癬

疥瘡

瘡癥

傲冬瘡

癩

癩癧

瘡癧

葡萄疫

赤白遊風

癩疹

癩瘍風

紫白癩風

白疔

血箭

血痣

五竅出血

血汗

痛風

小兒胎風

痒風

疔瘡

疔瘡者言其瘡形如丁蓋之狀也古方論疔有十種華元

化論疔有五色千金方說疔有十三種以至外臺秘要

治法神巧而其論相同然無非毒氣客于經絡及五臟

內蘊熱毒初起或如小瘡或如水炮紫黃青黑無定色



痒痛麻木亦無定候多生于頭面肩臂手足等處令人  
煩燥悶亂或憎寒頭痛或嘔吐惡心或肢體拘急治宜  
針刺擠出惡血見好血而止取拔疔散經入以膏掩之  
其有瘡頭陷凹而針刺不痛無血者則針瘡四旁必令  
血出藥從針孔經入內服奪命丹或奪命湯汗之大疔  
毒險症也其害最速生頭面耳鼻之間顯而易見生臂  
足衣遮之處隱而難明知覺早者朝醫夕愈遲者枉死  
甚多每每婦女而患暗疔者初時悞作傷寒至毒陷發  
腫神昏牙緊遂成走黃多致不救黃卽毒也疔毒內走  
攻心如在將昏之際亟用回疔散二錢白湯送服或以



夕和言治全書 卷四  
奪命丹五丸爲末葱汁調灌之少頃大痛痛則毒化黃  
水痛止病愈

一手小臂足小腿生有紅線如絲一條延走者名紅線  
疔走至心腹或至喉內者難救治宜在紅線始末兩  
端用針刺破出血以泄其毒亦以膏貼之服藥如前  
此疔皆因大喜大怒氣血逆行所致急刺出血後用  
浮萍草根敷之立愈

一疔瘡用針刺出毒血後服拔疔散

治紅線疔尤效

紫花地丁

甘菊花 各一兩 水煎服二劑而疔毒散三劑全愈若

已潰爛亦用此方但加當歸 二兩 服之立愈

一刀鑱疔形闊如韭葉長有寸餘肉色紫黑忌行針刺  
用生礬三錢葱白七根共搗爛作七塊另以葱湯送  
塊送下蓋被取汗再飲葱湯催之汗出爲度外取爛  
雞屎塗患上卽愈遲治走黃致命

一人患疔須臾半面腫不知疔患何處用葱白七根蜜

一兩同搗敷之神效


### 奪命丹

乾蟾酥酒化輕粉 麝香各五分枯礬

寒水石煨銅錄 製乳香 製沒藥各一錢

硃砂三錢飛 蝸牛二十一箇連殼研

小斗登台全書 發無定處症治 三



右各研爲細末取蝸牛蟾酥研勻入諸藥杵丸綠豆大  
每服三丸用葱白五寸搗爛安手心內裹丸于中另  
煎葱湯送下蓋被取汗如無汗約人行五里許再進  
一服多飲葱湯催之汗出爲度

### 奪命湯

銀花

草河車

赤芍

各二錢

蟬蛻

殭蚕

防風

羌活

獨活

青皮

澤蘭

各一錢五分

黃連

甘草

各一錢

右水煎熱服暖臥取汗

### 回疔散



土蜂窩有子者一兩蛇蛻 一條

右用泥裹火煨存性爲末研和聽用

拔疔散

硫黃

蟾酥等分

右爲細末葱汁和蜜搗丸小米大宜帶長以便插入疔

瘡內

楊梅瘡

一名廣瘡因其毒出嶺南一名時瘡以時氣乖變邪氣湊  
襲之故一名翻花瘡因其纏綿不已形如棉花一名翻  
花楊梅因窠粒破爛肉反突于外色如黃蠟一名天泡



瘡因其夾溼而生白泡有形如赤豆嵌于肉內堅硬如  
鐵名楊梅豆有形如風豆作痒名楊梅疹有先起紅暈  
後發斑點名楊梅斑有色紅作痒其圈大小不一二三  
相套名楊梅圈名形雖異要不出氣化精化二因氣化  
傳染者輕精化慾染者重氣化者或遇生此瘡之人鼻  
聞其臭或悞食其物或登圍受其不潔之氣脾肺受毒  
故先從上部見之皮膚作痒筋骨或疼或不疼瘡形小  
而且乾此不過在皮毛肌肉之間每日用換肌消毒散  
去木瓜加荆芥防風蟬衣汗之或更以龍胆瀉肝湯接  
服清去溼熱自當全愈精化者由交媾不潔精泄時毒

從精道乘虛直透命門以灌衝脈所以內入骨髓外達  
皮毛凡衝脈所到之處無處不有多有先患下疳次便  
毒漸至筋骨疼痛下部生瘡或小水澀淋其瘡形大而  
堅硬爲害最惡治之以化毒爲貴熏爲忌燻罨瘡者復  
發難治醫方有昇藥爲丸雄黃爲衣包裹吞服數日卽  
好或燃藥条一根口含冷水諸法皆收毒入內掩飾瞞  
人害人性命羞畏人知者多受其害復發則爛毒瞎眼  
初起宜用三黃丸每日五鼓取四錢熱陳酒送服醉蓋  
取汗或兼以龍胆瀉肝湯每日早晚輪服外用忍冬藤  
煎湯日洗血餘散日敷漸漸取效其有瘡生頭面或遍

身不便處欲其速愈但用金霜散敷之則二三日可以  
脫落亦神妙者也然此惟標之法耳還須服藥消其內  
毒稍有遺毒未消難逃後患如換肌消毒散槐花蕊方  
皆消餘毒妙藥

一有楊梅癬用水浮萍煎汁浸洗閒日一次數次即愈  
換肌消毒散

土茯苓 一兩

忍冬花 三錢

當歸

白蘚皮 各二錢

薏苡仁 四錢

皂針 二錢

木通 一錢五分

白芷 一錢五分

木瓜 不犯鐵器

甘草 各八分

右水煎服毒甚者加土茯苓至四五兩



血餘散

人指甲

炙研不拘多少

真血餘灰

各等分

右二味共研每兩加射香

一錢

再研和密貯磁罐內臨

用白蜜調敷

附  
愈後退斑餅

用黑母牛糞捻作小餅炭火煨半熟乘熱貼患處一

時取去斑痕自退轉白

龍胆瀉肝湯

通用九

槐花蓋

通用四二

三黃丸

通用四九

金霜散

通用七一

附方





一方用大蝦蟆一個肚上剖開將雄黃一兩填入用黃泥包好放炭火內煅煉以泥紅爲度取出埋土中一夜將黑灰分作三服黃酒送下每日空心服一次毒氣盡除如用消風敗毒散一二劑則終身不發矣一患楊梅瘡服輕粉一時收斂以圖目前遮飾豈知毒藏於內必致外潰未幾而毒發于鼻自覺一股臭氣冲鼻而出第二日鼻色變黑不聞香臭須速治否則鼻柱自傾腐爛莫救急治亦須用大劑藥些小之劑無效方用護鼻散

護鼻散

元參 三兩

麥冬 二兩

生草 一兩

生丹砂 末三錢

桔梗 五錢

花粉 三錢

銀花 三兩

水煎調丹砂末一劑鼻知香臭連服四劑鼻上黑色散

去可免鼻梁爛落矣更用全鼻散

### 全鼻散

元參 一兩

生甘草 三錢

銀花 一兩

當歸 一兩

麥冬 五錢

人參 三錢

水煎調入丹砂末 一錢 服十劑而一身之毒盡出方保

無虞前方勇猛所以救其急後方平和所以補其虛

而丹砂前後皆用者以輕粉之毒非丹砂不能去輕



粉乃水銀所燒而丹砂乃水銀之母子見母相逢不相離丹砂出而輕粉亦出倘鼻柱已傾肉腐不堪將前護鼻散救之雖鼻不重長而性命可援不致於死

一楊梅瘡黃膿泛濫腐臭不堪世人皆以爲毒盛多用敗毒之藥孰知日敗毒而毒愈盛瘡愈多往往有腐爛者須知此症於泄精時元氣大損故毒乘虛而入不補虛以瀉毒烏能有濟平方用二生湯

二生湯

生黃芪

三兩

土茯苓

二兩

生甘草

三錢

水煎服連服四劑瘡色紅活再服四劑瘡盡乾燥又服

四劑全愈此方如毒重疼痛非常則加當歸一兩銀

花二兩 倍土茯苓便結燥者加紫草 三錢

楊梅結毒

一名瘋毒  
一名楊梅癰漏

結毒者因患瘡時毒氣方熾悞用藥火熏蒸或輕粉內伏  
或點藥收斂以致毒沈骨髓關竅之中積久外攻其始  
也先覺筋骨疼痛漸腫起發無定處潰破則腐臭不  
堪故有鼻崩唇缺日蝕喉穿手足攣狗等症治法初起  
者日服三黃丸再服取忍冬藤牛旁草甘菊紫花地丁  
煎湯當茶時飲不得另飲茶湯如潰則以渣煎洗日兩  
度接服聖靈丹可祛毒盡色轉紅活以洞天膏貼收功





蓋聖靈丹治結毒萬全之功無有出其右者但方內有犀黃珍珠價皆貴重又不可減去分釐需數十金方能合就貧者奈何又結毒紫金丹楊梅癰漏湯二方用之甚效卽年深者亦效藥資無多又能取效如患久虛弱者更宜補助爲妙忌食火酒猪頭糟物海味茶醋椒薑大蒜牛羊雞鵝豆腐麵筋鮮魚等猪肉不忌一結毒在咽喉者可用七神散吹之服藥如前

### 聖靈丹

珍珠

犀黃

冰片

各一錢  
琥珀 四錢  
紅

劈砂

滴乳石

各三錢  
明者  
佳卽石鍾乳